



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eginhartvs De Vita Caroli Magni, Animadversionibvs Illvstratvs

Bessel, Friedrich
Reinhard, Johann Friedrich

Helmeftadii, 1667

Animadversiones Ad Cap. XXXIV.

urn:nbn:de:hbz:466:1-10996

Bibliothecæ Præfectos fuisse, primò *Agobardum*, deinde *Leydradum*: Prodiisse etiam ex illâ Bibliothecâ *Pontium Diaconum* de Vitâ Cypriani. Hæc ille; cujus indicinam mihi fecit *H. Meibomius*, Vir Eruditissimus.

CAPVT XXXIV.

Hanc constitutionem atque ordinationem coram 1. episcopis, abbatibus, comitibusque, qui tunc præsentibus esse potuerunt, quorumque hic nomina scripta sunt, fecit atque constituit. † Episcopi: Hildeboldus, Richolfus, * Arn, Wolfarius, Bernoinus, Laidradus, Joannes, Theodulfus, Iesse, Hetto, Waltgaudus. † Abates: Fridogifus, Adalungus, Engilbertus, Irmino. † Comitibus: Walach, Meginher, * Othulfus, Stephanus, * Unruochus, Burchartus, Meginhartus, Hatto, Richvvinus, Eddo, * Erchangarius, Gerholtus, Bero, Hildegern, Rhoculfus. † Hæc omnia filius ejus Ludovicus, qui divina ei iussione successit, inspecto eodem Breviario, quam celerrimè poterat, * post ejus obitum summâ devotione adimplere curavit.

*MS. Arn.

*Cod. Flor.

*Oculfus.

*MS. Reub.

*Unruocus.

*MS. Ar.

*changarius.

*MS. Flor.

*Post obitum

*curavit.

ANIMADVERSIONES

AD CAP. XXXIV.

Hildeboldus) Non tangam hîc, quæ summis Viris Mallinckrotto de *Archicancellariis* pag. 9. & *Conringio ad Epist. ix. Leonis* p. 79. notata sunt: Illa saltem quæ præterea legere memini additurus. Sic autem de eo ex *Chronico Pontificum Coloniensium*, Auctor *Chronici Belgici Pistoriani* fol. 50. *Venerabilis Pater Hildeboldus, decimus nonus Archiepiscopus Coloniensis ecclesie, sedit sub Carolo M. & ejus Filio Ludovico Pio Imperatoribus. Qui eundem Ludovicum unxit in Regem Romanorum, & sedit annis 34. Hildeboldum appellant capitula Caroli M. & Ludovici Pii lib. 11. cap. 25. itemque Rembertus in vitâ S. Ansharii cap. 7. p. 180: cujus tamen Paraphrastes Gualdo Monachus Corbejensis, primùm à Lambecio è situ erutus cap. 20. v. 13. p. 262. verum nomen,*

men, cum Eginharto retinuit. *Sacri palatii Capellanus* vocatur in subscriptione *Diplomatis super fundatione Ecclesie Bremensis* apud Albert. Stadenfem ad ann. 788. p. 84.

Nicholfus) Archiepiscopus Moguntinus, *Lulli* successor, cujus præter Lambertum Schaffnaburgensem meminere *Annales Fuldenses* ad ann. 786. & *Marianus Scotus* ann. 787.

Ann.) *Salisburgensis* hic fuit Episcopus, quem *Thasilo* Dux *Bajovariorum* ad *Adrianum* Papam Legatum misit, *obnixè rogans*, idem *Mediator* ut esset. *Inter se & Carolum pacis fidique Sequester*; quæ verba sunt *Poëtæ Saxonici* lib. 11. v. 280 nisi quod in MS. *Annus* facili lapsu *avt* 7⁸ *Annus* scriptum sit. Retinuit autem is ut ferè solet, verba *Adelmi* ad ann. 787. Idem hic est, qui tempore *Caroli M.* *indicem* conscripsit eorum, quæ ad *ecclesiam Salisburgensem* per *Duces Bavariæ* accessere. Extat hodiè *Indiculus* è MS. editus ab *Henrico Canisio* tom. 11. *Antiquitat.*

Wolfgangus) Hic successit *Tilpino* auctoritate *Caroli M.* juxta *Frodoardum* lib. 11. cap. 18. Alius ab eo fortassis est Episcopus *Viennensis*, cujus meminit *Ado* et. 6. p. 215.

Laidradus] Episcopus *Lugdunensis*, qui & *Ledradus* dicitur, cujus elegans extat *Epistola ad Carolum M.* in quâ se ab eodem in Episcopatu constitutum profitetur. Edidit primùm cum *Agobardo* ejus Successore *Papini Massonus* 1605. Hominem seculari dignitati intentissimum & honori *Reipublicæ* utilem vocat *Ado Viennensis* et. 6. p. 215.

Theodulfus) Episcopus *Aurelianensis*, cujus carmina de *Carolo*, *liberis*, & *aulicis* ejus valdè memorabilia, *Andreas du Chesne* in tomum 11. rerum *Francicarum* retulit. *Annales* etiam *Caroli M.* & *Ludovici Pii* inter alia scripsisse ait *Arnoldus Wion* in *Lign. Vitæ*, de quo tamen dubitat *Vossius* de *Histor. Latinis* lib. 111. cap. 4. Deprehensum in conjunctione contra *Ludovicum imperatorem*, depositum & carceri mancipatum *Theganus* cap. 22. refert, & meminit *Adelmus* ad ann. 817. *Missionem* tamen ex carcere ab eodem Imperatore obtinuit, versiculis elegantibus, qui hodiè in *Ecclesiâ* celebrantur. *Mentionem* ejus rei inter alios facit *Sigebertus* ad ann. 843.

Iesse) Episcopus *Ambianensis*, *Caroli* quondam ad *Irenem Imperatricem* legatus, ut est apud auctores annalium *Nuenarii* ac *Pithoci* ad ann. 802. Extat quoque mentio in *epistola* v. *Leonis Papæ*.

Herro) *Reuberus* in MS. reperit *Herro*: Excerpta *Codicis Florentini* *Herro*. Alii *Hattonem* vel *Haidonem* appellant. Fuit autem Episcopus *Basilienfis*,

Basileensis, cujus opera in Legatione ad Nicephorum Imperatorem, eodem annò, quò testamentum hoc conditum, usus est Carolus, testibus Monacho Egolismensi p. 277. Reginone, & Annal. Fuldensibus ad ann. 811. Occasione legationis suæ *Itinerarium* contexuit, quo iter à se Constantino-
polin susceptum exposuit. Tradidisse quoque creditur *Visiones S. Vvettini Monachi*, quas *Vvalafridus Strabus* carmine reddidit, teste Goldasto, tom. II. *rer. Alamann. part. 1. p. 9.* Tandem ætate gravis, vitam privatam Episco-
patui anteposuit, ad monasterium Augiæ Majoris reversus. Obiit anno 836. ut notavit Joh. Stumphius *lib. XII. cap. 23.* & ex eo Vossius *de Histori-
cis Latinis lib. II. cap. 31.*

Fridogisus) Fortassis est Abbasille, qui cùm acriter super quibusdam Ecclesiæ dogmatibus disputat Agobardus, in eâ *epistolâ* quæ extat operum ejus p. 157. Archi-Capellanum Ludovici Imp. fuisse probat Bernhard. à Mallinkrot, *de Cancellar. pag. 13.*

Engelbertus) *Dilectum Carolo Abbatem* vocat Egolism. p. 257. per quem magna pars thesauri Avarici ad limina Apostolorum missa est. Etiam *generum Caroli* facit Nithardus *lib. IV.* Abbatem fuisse *Monasterii in Centulo* ex Alcuini *Epist. 51* quam ad eum direxit, apparet.

Vvalach) Inter Proceres Francorum memoratur à Reginone *ann. 811.* filium *Bernhardi* facit Adelmus *eodem anno.* *Meginharii* Comititis mentio habetur apud eundem Adelmum *ad ann. 817.* Burchardus item foederi Danico interfuisse fertur, Auctoribus iisdem annalibus *ad ann. 811.*

Cæteros quamvis præcipuæ nobilitatis, fama
recondit obscura.

F I N I S.

Errata.

Pag. 3. lin. 32. pro *tom. II.* leg. *tom. I.* pag. 5. lin. 11. pro *ann. 926.* leg. 826. Mox lin. 16. pro 714. leg. 814. pag. 13. lin. 15. pro 117. leg. 17. pag. 16. lin. 28. pro *aliquod*, leg. *aliquot.* pag. 57. lin. 27. pro *contra quem pugnavit.* leg. *cujus contra fratrem pugn.* pag. 90. lin. 25. pro *his: qui procul dubio ante oculos habuit Poëtam Saxonem.* lege: *quem procul dubio ante oculos habuit poëta Saxo.*